

Headline	KL-Beijing tingkat kerjasama		
MediaTitle	Berita Harian		
Date	15 Jun 2012	Color	Full Color
Section	Nasional	Circulation	192,982
Page No	2	Readership	1,521,000
Language	Malay	ArticleSize	490 cm ²
Journalist	N/A	AdValue	RM 16,526
Frequency	Daily	PR Value	RM 49,578



KL-Beijing tingkat kerjasama

Pemindahan teknologi, program latihan kemahiran mantap modal insan

Oleh Magendran Rajagopal dan Suhaila Shahrul Annuar
bhnews@bharian.com.my

● AHMAD IRHAM MOHD NOOR | BERITA HARIAN

CYBERJAYA: Keakraban hubungan diplomatik Malaysia-China harus dimanfaatkan semua sektor ekonomi, khususnya bagi memantapkan kemahiran modal insan negara.

Datuk Seri Najib Razak berkata, ini boleh dibuat menerusi pemindahan teknologi atau program latihan kemahiran.

Perdana Menteri berkata, hubungan akrab yang terjalin sejak 40 tahun lalu membuktikan kedua-dua negara mempunyai ikatan unik yang tidak terhad kepada dagangan atau pelaburan dua hala.

"Umpamanya, keputusan China memberi sepasang beruang panda kepada Malaysia adalah satu pengiktirafan kerana ia tanda simbolik yang menunjukkan republik itu amat menghargai hubungan itu," katanya berucap pada majlis pelancaran Pusat Latihan Global Huawei Malaysia (MGTC) di sini, semalam.

Hadir sama Duta China ke Malaysia, Chai Xi; wakil khas Perdana Menteri ke China, Tan Sri Ong Ka Ting dan Presiden Huawei Technologies Asia Pacific, Victor Wang.

MGTC adalah pusat latihan teknologi dan komunikasi maklumat (ICT) pertama seumpamanya di luar China dengan matlamat menjadikan Malaysia pusat latihan profesional global bagi ICT generasi akan datang dengan sasaran melatih dan melahirkan 10,000 profesional ICT Malaysia menjelang 2020.

Sementara itu, Presiden Perbadanan Putrajaya (PPj), Tan Sri Samudin Osman pada sidang media berasingan di Putrajaya, berkata persediaan untuk menerima pasangan panda China sedang giat dijalankan.

Katanya, PPj, Kementerian Sumber Asli dan Alam Sekitar serta Kementerian Wilayah Persekutuan dan Kesejahteraan Bandar (KWP-KB) kini pada peringkat mengenal



NAJIB mencuba telefon pintar Huawei Ascend P1 Android 4.0 (ICS) yang belum dilancarkan di pasaran selepas merasmikan majlis pelancaran Pusat Latihan Global Huawei Malaysia, di Putrajaya, semalam.



Hubungan akrab yang terjalin sejak 40 tahun lalu membuktikan kedua-dua negara mempunyai ikatan unik

Najib Razak
Perdana Menteri

pasti keperluan haiwan itu, termasuk aspek kesesuaian tempat tinggal, sumber makanan dan kepakaran penjagaan kesihatan.

"Hasil lawatan pegawai kita ke China dan Singapura, kita dapat gambaran awal persediaan yang perlu dilakukan, tetapi semuanya bergantung kepada pakar dari China yang bertanggungjawab memantau kesesuaian habitatnya di sini.

"PPj memperuntukkan kawasan seluas kira-kira satu hektar di Ta-

man Wetlands Putrajaya sebagai tempat tinggal dan enam hektar untuk menanam buluh sebagai sumber makanannya.

"Untuk penanaman buluh, kita sedang bekerjasama dengan Institut Penyelidikan Perhutanan Malaysia (FRIM), malah tiga daripada 15 jenis buluh yang sesuai dimakannya sudah sedia ada di Taman Wetlands iaitu buluh jenis pagar (Bambusa Multiplex), betong serta Thailand," katanya.